

كتاب

# علي الشيطان الملاك بشم

« هذا الكتاب سيجعلك انسان تحب الخير للجميع »

سيد محمود



# الشيطان ينظر على الملاك

« هذا الكتاب سيجعلك انسان تحب الخير للجميع »

## للكاتب

### سعيد محمود

١٤٤٣هـ / ٢٠٢١م

احم احم معاكم سعيد محمود و شهرتى سعيد نينو ، شاب مصرى و مقيم بمصر  
فى سن العشرينات ، من زمان و انا بكتب لكن النهاردة اخدت الجراءة فإنى اعمل  
كتابي التاني " الشيطان ينتصر علي الملاك " ، كتاب بسيط بيتكلم عن انك تعرف  
الجوانب الداخلية فيك ، الجانب السىء و الجانب الخير ، و هتقدر ازي تتجانب  
الجانب السىء الى جواك ، و تقدر تخلي الخير يكسب و تخلي الملاك دايمًا ينتصر  
الكتاب مكتوب بطريقة سهلة بالطريقة العامية ، و الكتاب قصير ١٥ صفحة بس  
تخلصه فى ساعتين قراءة على مزيكا هاديه .. يلا بينا نقراء الكتاب سوا  
لو بتدور على الفهرس ف هو فى اخر الكتاب



اهلا و سهلا بيك في عالم جديد ، هو مش جديد اوى بس معظم الناس متعرفوش او متعمقوش فيه ، و انت قاعد دلوقتي اكيد مستنى حاجة غريبة ! بس قبل ما نبدا اوعى تكون نسيت تشغل المزيكا الهادية .

كلنا سمعنا عن الشياطين و عن الملائكة صح ! بما اننا سمعنا عنهم طب حد عرف ان احنا كـ بشر فينا الاتنين ! الشيطان و الملاك ! طب تعرف انك ساعات كتيرة بتستخدم حد فيهم بدون قصد و بقصد ، مش مصدقني صح ! طب

هقولك .. فاكر و انت صغير في ابتدائي لما صحبك دايقك فانت قعدت تفكر ازي تأذية و أذيتوا ! طب فاكر لما صحبك شد الكرسي من تحتك فوقعت ،

و روحت انت شتمه ! طب فاكر لما واحد شتمك بأهلك و انت قولتلوا ربنا

يسمحك ! كل ده بقا الملاك و الشيطان جواك بس الأغلب الشيطان بيكسب لان

معظم نفوس البشر بتميل للي الجانب السيء ، في الكتاب ده هتعرف مين هيكسب و ازي بيكسب و هتعرف تتحكم بـ نفسك و علي ردود أفعالك في كل موقف و

ازي تقدر تتعايش مع الواقع و البشر المنافقين .. متنسوش تشغلوا مزيكا هادية

و اطفى النور و حط الهاند فرى و اقراء لان الكتاب صُنع خصيصاً للناس

الى بتحب تقراء كتب من الانترنت فقط .. انا عارف انى طولت عليكم بس لازم

اهيى عقلكم للاهتمام بكلامى و كمان علشان اعمل مقدمة كبيرة تحسدونى عليها

عمركم شوفتوا كاتب صريح كده ههه ، يلا بينا نبدا لمعرفة ازي الشيطان هيتتصر

علي الملاك و لا اقولكم استنوا ثانية كده ! اى رايبكم منكملش و يلا ننام و نكمله

بكره اكيد لا طبعاً هنخلصه النهاردة علشان نعرف هنعمل اى بكره ، يلا بينا ..



# الملاك

## اساله داخلية

كل واحد فينا اتولد مبيكرهش حد و مجتمعنا مش وحش .. احنا اتولدنا من غير  
كره و من غير اى احساس و لكن اهلك و مجتمعك هو الى غرس فيك الكراهيه و  
كل شى وحش .. احنا كلنا كويسين احنا كلنا فينا انسان ..

تعال هنا بقا هسالك كام سوال

هل كل الى سابوك لو حدك انت محتاجهم؟!؟

هل انت محتاج تكون فى علاقه عاطفيه؟!؟

هل انت محتاج يكون ليك اصحاب؟!؟

هل انت محتاج يكون ليك شخص فى حياتك تهتم بيه؟!؟

هل انت محتاج تخرج مع حد؟!؟

هل انت محتاج حد تتكلم معه؟!؟

لو بصينا للاسئله دى هتلاقى رد واحد انك مش محتاج لحد نهائى ، انت اصلا

مكتفى بذاتك ، الى سابك انت غلطت انك ادبتلوا مساحه اكبر من حجمه الحقيقى

و بعد ما عرفتوا بيك و بـ عفويتك سابك و مشنى بعد ما وعدك انه هيكون معاك

هل بعد ما مشى هل حياتك وقفت او مت؟!؟ طبعا لا انت لسه عايش بس عرفت

هتختار ازى بعد كده او ممكن متختار ش تانى ، و لو قولت انا نفسي احب و اتحب

و اعيش سنى ، حب نفسك و نفسك عمرها ما هتسيبك انت ليها و هى ليك مش

محتاج حد من البشر تحبه ، و بالنسبه لاصحابي يا سعيد .. اصحابك مين؟

اصحابك الى هم بتوع القعهه الحلوه و لو كلمت حد فيهم فى موضوع تلاقيه اتنشر

و لا اصحابك بتوع الافراح و الخروجات و لو معمكش ميلزمكش ، انت مش

محتاج اصحاب انت لو حدك اصحاب كثير ، انت لما تعيط ارمى نفسك جوا

نفسك و بس ، طب اى حاجه اهتم بيها يا سعيد ! اهتم بنفسك و اسعد نفسك  
 بنفسك و فرح نفسك و مش تزعلها و لا تظلمها دا انت لما تموت هتتحاسب معاك  
 طب هخرج مع مين ! لا انت تخرج ليه اصلا خليك فى قوضتك و اتفرج عليهم و  
 هم بيشتمو بعض و اضحك عليهم ، طب اتكلم مع مين ! اتكلم مع نفسك و مع  
 ربك انه هو السميع العليم محدش اتكلم معه و خذلوا انت مش محتاج شفقته من  
 حد صح .. اه صح .. يبقا اكتفى بنفسك و حب نفسك و عيش لنفسك .. افرح  
 لانك عايش و بتتنفس و تقدر تغير كل حاجه ، حتا لو قالوا عليك و حش لانك  
 مختلف .. افرح محدش هينفعك فى دنيتك او اخرتك الا اعمالك و قابل الناس  
 بابتسامه عريضة و فرح اى حد علشان فرحتهم سهله و لكن فرحتك خلى نفسك  
 خلى نفسك السبب الوحيد ليها ..

شويه الاسئله دي خليتك تفوق ! و حاسستك انك ازي مفكرتش فى الحاجات  
 دى قبل كده ! ده الجانب الملاك الى جواك ، الى هو انك تكتفى بذاتك لو حدك  
 مش تحتاج لحد ، من غير ما تضر حد .

# الشیطان الخذلان

في البداية يرونك ويعجبون بـ 'طلتك البهية' وتجذب انتباههم ثم يراقبون افعالك، تصرفاتك، كل شيء كبير كان او صغير تفعله.. غموض كبير! من انت ومن اين اتيت لأعجب بك! من انت لتعجبني؟ ويستمر الغموض ويزداد الإعجاب أكثر ف أكثر ويزداد الفضول من هذا!! تمر الأيام وتمر الليالي دون ان تدرك ان هناك من تعجبه، دون ان تدرك ان هناك شخصا ما يراقب جميع افاعيلك وتصرفاتك، دون ان تشعر به! ثم يحدث امر ما وتدرك وتلاحظ وبسبب بساطتك الشديده وفطرتك الحمقاء تقول: ولما لا؟ ولما لا افتح له السبيل؟ اتركه يراقبك وافتح له مجالا في حياتك، افتح له مجالا في قلبك ان اراد أيضا!، وبعد مرور فتره طويله يحدث الامر " انت شخصية جميله جدا وانا نفسي اتعرف عليك من زمان ونفسي اكون قريبه منك!" وبسبب حماقتك يبدأ بالدخول والتوغل الي حياتك تفاصيلك الصغيره التي كانت محل غموض أصبحت الان محلك سر! تمر الأيام وتعمق العلاقه " انا بحبك!" والان ماذا؟ انت مغرم يفتي! لقد تركت لغريب مجالا في قلبك فعلا!! لقد توغل في حياتك! وما الحل؟! لنترك الايام تكشف لنا.. وبعد مرور الايام.. ينكشف كل شيء يختفي الغموض الان أصبحت شخص جميع افعاله متوقعه جميع تصرفاته متكرره وحينها يزال الغموض! ينكشف السر.. ماذا شخص طبيعي! شخص عادي! يعني ايه مفيش طله بهيه اصلا! تبدأ العلاقه بالتوتر انت شخص طبيعي يفتي! وتقلب الآيه انت الان المغرم! للأسف الشديد اغرمت وكان الإعجاب اعجابا لفضولك اعجابا بشخصيتك الغامضة والان انكشفت كل أسرارك واكتشف انك مثل غيرك كان اعجابا وهميا كان زائفا واختفي مع اختفاء غموضك لم يكن الهدف هو القرب منك لم تكن الغايه الاعجاب بل كانت الغايه الفضول!! ولقد تمت المهمه بنجاح واشبع

الفضول تماماً.. لننهي العلاقة الان!

انا غير مناسبه انا لا احبك مثلما تحبني واريد لك كل خير..

ولكن أريدك هكذا لقد اغرمت بك! لقد احببتك!!

انا اسفه.. اتمني ان تكون بخير لقد أرضيت فضولي الشديد في معرفه الالغاز التي

حولك وعلمت كل تفاصيل حياتك.. انا لم احبك يوما ما لقد احببت غموضك

واحببت ان اعرف " من انت لاعجب بك!؟ "

تنتهي العلاقة بالالم.. وتدور هي وتري شخص جديد وتعجب بغموضه ويبدأ

الفضول.. وتبدأ قصه جديدة و مع بداية القصة الجديدة بيتكون عندك الكره الى

مكنش موجود عندك اصلا فالاول! بس هي او هو استنفز طاقتك بعد ما اشبع

فضوله! و اشباع الفضول ده من ضمن الجانب السيء في البشر مما ينطلق عليهم

اسم " البشر المنافقون " الفضول زيه زي الشهوة الجنسية زيه زي الشهوة الطعام

و في حالة وجود الشهوة بيكون في طرفين! طرف بيكون كسبان و طرف بيكون

خسران! و الي بيخسر بيتعلم! و لما بيتعلم ميبقاش عنده ثقة في حد حتي لو كان

شخص كويس الي هيدخل حياته فيما بعد! بالتالي اتولد جوه " الرهبة " و " الخوف

من التعامل مع البشر ، فرفقاً بنفسكم ايها البشر.

# الانسان النتيجة

حينها يتواجد نوع من البشر لا يجبون الخروج من البيت  
ويجبون الجلوس في غرفهم فقط !

وعند خروجهم يقضون أعمالهم ويرجعون بدون ملاقة أحد تقريباً !

هؤلاء هم نفس الأشخاص الذين لديهم صديق واحد أو اثنين مقربون ولا  
يتصلون بأحد او لا يوجد احد بحياتهم !

هم نفسهم الذين دائماً تليفونتهم في وضع صامت ولا ينتظرون أن يسأل عنهم أحد

هم نفسهم الذين يفتحون وسائل التواصل الاجتماعي يومياً بدون محادثة أحد !

هم نفسهم الأشخاص الذين يعشقون استماع القرآن الكريم او الاغانى في عزلة  
ويعشقون البحر والصحراء والشتاء والهدوء !

هم نفسهم الذين يتسمون دائم سارحون في خيالهم لا يؤذون احد و اذ ظهر  
شخص يحاول ان يأذيمهم فانهم لا يهتمون !

هم نفسهم الذين لا يشعرون بالشغف و لا يشعرون بالحياة و لا يشعرون  
بالمشاعر اللطيفة !

هم نفسهم ضحية البشر المنافقون الكاذبون الذين يوعدون و يخلفوا وعدهم !  
هم نفسهم الذين يقرأوا هذا الكتاب الان

هم نفسهم يقولون دائماً ان اسوأ جريمة عملتها في حق نفسي هي إني ضيعت وقت

كبير جداً في التعايش مع أوضاع أنا مش قابلها لمجرد إني متخيل أن مفيش بدائل

أو لأني خايف من البدائل ، اسف لنفسي اني اجبرتها تعمل حاجه مش عايزاها

عشان ترضي حد انا اصلا مش ف دماغه ، اسف إني جيت علي نفسي عشان ارضيه  
أسف لنفسي جداً إني دخلتهم في حياتي

يشعرون بالذنب دائما لاجل هناك بشر يتمتعون بانتصار الشيطان بداخلهم ! و قد دخلوا حياة بشر طيبين بسطاء و كان الملاك منتصر ، هكذا هي الحياة " الشيطان ينتصر علي الملاك ! " و اذ لم ينتصر فانه يؤثر في حياتهم فيما بعد .





# الشیطان ینتصر علی الملائک و الضحیة الانسان التفکیر

محدث یقدر ینکر إن " الوحدة " هی افضل میکانیزم لحماية الذات فمن تجاربی وبحثی فی العالم عن رفیق تأکدت تماماً ان مفیش شخص واحد فی العالم مهما کان قریب منک مهما كانت صلة الدم والقرابة بینک و بینه هی شعر بإحساسک الداخلي کاملاً مهما حاولت توصفه و من هنا قررت ادور علی افضل وسیلة لحماية ذاتی فكانت الوحدة هی القوة الفاتکة اکید هو میکنونش اختیار سهل لكن الحقیقة هو افضل اختیار فالوحدات لها کثیر من الفوائد الی بتخلیک شخص قوی منها تعلم الإعتیاد علی الذات عدم محاولة إرضاء الأخرین والبعد عن تأثیراتهم علیک تقبل الذات والرضا بكل العیوب تحمل نتیجة الأخطاء ، الفراغ العقلي والقدرة علی الإبداع الفکری و فی وجهة نظری فی مميزات اکثر لا تعد ولا تحصى عشان کذا کان قرار خسارة ای شخص مهما کان قریب و جید بناء علی معیار واحد فقط " هل هیأخذ منی وحدثی ولحظات صفاء ذهني؟ "

وبناء علی الإجابة بقرر بلا تردد خروج ای حاجة او ای حد او ای شی یقدر یعکر هذا الصفو الی بینی و بین نفسي وبقا مبدأی الأول هو مهما کان حولی الكثیر من الناس هیفضل عندي وقت لوحدثی مع نفسي بعيد عنهم کلهم فلا یوجد ما هو اقرب من ذاتک إلیک تعرف علیها.. وإلا استضیع منک ..

و فی حالة تفکیری بالارتباط

بسأل نفسي هل انا ناوی ارتبط ؟ بس السؤال ده ملهوش اهمیة الأهم منة الأسئلة المرتبطة بیه:

هل انا قادر علی تحمل متطلبات نفسیة.. معنویة.. جسدیة.. فکریة.. لشخص تانی؟  
هل عندي مقدرة الاستمراریة بدون ما اجرح مشاعر الطرف الأخر؟

هو انا ممكن ادعم طموحي وفي نفس الوقت اكون داعم له ؟  
لو جه اطفال هقدر اوفرهم حياة اسرية افضل من الي انا عشتها ؟  
هي قوتي كافية لتحمل مسؤولية اني اكون الراعي والملجأ ؟  
هل نفسيتي تسمح بالعطاء ؟

هو انا متصالح مع نفسي بقدر كافي عشان اكون صريح مع الآخر ؟

كثير من الأسئلة والأفكار والمفاهيم اللي بتيجي علي بالي قبل ما اوصل للسؤال ده  
عشان مظلمش نفسي ولا اظلم حد بنفسي

لإن الإرتباط مش مجرد مشاعر او إتصال جسدي او حد جميل محتاجة يكون  
موجود، الإرتباط مبني في الأساس علي الاستمرار وده بيتطلب اكثر من قرار

طايش نندم عليه طول الوقت، ده هو التأثير الي بيصاحب الناس الي كان تحت تجربة  
" الفضول " لشخص اخر ! هو ده التأثير المصاحب للناس الي كان تحت تجربة

" الكذب و الخذلان " من شخص اخر !

بيكون انسان متدمر نفسيا و وحيد و ملهوش علاقة بحد و لا حابب يخش اي  
علاقة تحت اي مسمي .



# الملاك ينتصر علي الشيطان

## نصائح للبشر

زى ماحنا عارفين ان دايمًا الخير بيكسب الشر في نهاية السنااريو ، بس للاسف الخير المرادي علشان ينتصر لازم البشر يعملوا بالنصائح دي

اياك و الكذب في مشاعرك لان الشخص الاخر بيكون مجهز حياته علي كدبك

اياك توعد شخص و متعملش بوعدك لانه بيكون مجهز حياته علي وعدك

اياك و النفاق لان الشخص الي قدامك بيتغر و كده انت بتضروا مش بتشجعه

اياك و الفضول لان الشخص الي قدامك ممكن يتعلق بيك و انت تهرب بعد ما اشبعت فضولك الغير سوي

اياك و النميمة لانك لو نमित في شخص مش موجود بالشر تاكد ان الي قدامك هيكرهك و مش هيتكلم معاك تاني

اياك و التنمر لانك لو اتنمرت على شكل شخص او صوته او اى شيء كان فر بنا هيردلك ده في اي حاجه في حياتك ف بلاش تنمر

اياك و الاستغلال لانك لو فضلت تستنفذ طاقة الي قدامك علطول و هو بيديلك ده بدون مقابل لانه حابب و جودك فالبتالي هتولد فيه طاقه انه ميتعملش مع حد

تاني علشان هيكون حاسس انه مُستغل دايمًا

هيا بنا نبني مجتمع ممتليء بالخير ، هيا بنا نبني مجتمع ينتصر فيه الملاك عن الشيطان ، هيا بنا نبني مجتمع الخير .

# الخلاصة

اخيراً و ليس اخراً انا مضطر اسبيكم و انا مبقا ، و ان شاء الله مستنيكم في كتاب جديد يعجبكم ، و متنسوش تشاركوا الكتاب مع اصحابكم و اقللوا المزيكا خلاص ههه ، مبسوط انك قرأيت الكتاب و يارب تكون استفادت حتى لو بنسبه ٢٪ من كتابي البسيط ، متستناش ان البشر يبقوا كويسين ! علشان تبقا كويس ! ابدأ بنفسك و حب نفسك و حب الخير لكل ! خليك صادق في مشاعرك ، ابعده عن اي حاجه هتخلي الشيطان ينتصر ! كلنا بشر و عندنا القدرة الكافية لمعرفة الخير و الشر ، اتنا منك عزيزي القاري ان تنشر هذا الكتاب لاكبر قدر مُستطاع علشان ناس كثيرة تتعلم انها تفضل سوية الفكر و الاحساس ، خلينا ننشر الخير لكل الناس و نقلل من الناس الي بداخلها الشيطان منتصر ، و ده بداية الخير الي هتعملوا ، الناشر للخير كمن فعله ، انا عارف ان في كتب كثيرة اتكلمت عن الموضوع ده ، بس انا كتبت الموضوع بأسلوب شبابي تقدر توصل لكل الفئات العمرية ، الكبير و الصغير ، اتنا من الجميع ان يدعولي بالخير و لكم جزيل الشكر و تحياتي لكل شخص قرأ الكتاب كان معكم الكاتب سعيد محمود ..

# الفهرس

- 
- ١- تعريف للكاتب و الكتاب
  - ٢- المقدمة
  - ٣- الملاك
  - ٤- الشيطان
  - ٥- الانسان
  - ٦- الشيطان ينتصر علي الملاك و الضحية الانسان
  - ٧- الملاك ينتصر علي الشيطان
  - ٨- الخلاصة